

# CELEBRACIÓN DO DOMINGO EN OS COTOS

23 e 24 de decembro do 2017

IV ADVENTO



OS COTOS CO POBO DE SIRIA  
E CON TODOS OS REFUXIADOS



## 1.- ENCONTRO DA COMUNIDADE

(tod@s de pé)

@ monitor/a está na sé

**CANTO** 🎵 *Que **veña Deus** á nosa terra*

### SAÚDO DE BENVIDA

*Celebrante*

Benvidos sexamos todos a este encontro. Reunímonos para facer comunidade no nome do Pai, do Fillo e do Espírito Santo.

Ao longo das catro semanas de Advento fóisenos invitando a non deixarnos levar de rutinas, a cambiar actitudes e comportamentos que sabemos que non facemos ben. Hoxe pechamos este tempo, e terá valido, e moito, se fomos capaces de ir camiñando sentíndonos protagonistas e responsables da nosa vida.

No camiño non estamos solos: María, a nai de Xesús e da Igrexa, é unha boa compañeira nesta viaxe, porque ela foi a primeira en esperar ao Salvador que nace en nós. Ela foi quen de dicir “Aquí estou, fágase en min a túa vontade”

## ACENDIDO DA COROA DO ADVENTO

**CANTO** 🎵 *Que veña a luz ...*

*Alguén se achega á coroa do advento*

### **Monitor/a**

Hoxe, última semana do advento deixámonos alumear polas persoas que como Santa María son exemplo: ¿que tería sido de nós sen o bo facer das nosas nais?

Deixámonos alumear pola luz de todas esas persoas, que como María, saben escoitarnos e saben aconsellarnos.

Deixámonos alumear por todas esas persoas que, como María, nos demostran que son coherentes e que vale a pena fiarse dos seus consellos e dos seus feitos.

*E acéndese unha das velas da coroa, mentres se canta*

**CANTO** 🎵 *Que medre a luz ...*

## ORACIÓN PROPIA DO DIA

**Celebrante** rematamos a primeira parte da celebración presentando no silencio o que rebule no noso interior; lembramos aos Palestinos que nestes días ven desprotexidos e esquecidos os seus dereitos de terra, e non poden vivir na paz que alí mesmo sementou Xesús.

*(silenzio)*

## **Celebrante**

Deus, noso Pai,  
enche coa túa graza os nosos corazóns.  
Polo anuncio do anxo  
déchesnos a coñecer a encarnación do teu Fillo.  
Lévanos polo seu evanxeo e pola súa vida  
á gloria do seu Reino de xustiza e paz.  
Pedímoscho por Xesucristo, que por Santa María  
se achega a nós e vive e reina  
por sempre eternamente. Amén

## 2.- PROCLAMACIÓN DA PALABRA DE DEUS

**(sentad@s)** a palabra de Deus proclámase dende o ambón

*No Leccionario II – B páxina 12*

**LECTURA**

**LECTURA DO LIBRO SEGUNDO DE SAMUEL**

**CANTO N° 7** 🎵 *Andarei na presenza*

**SALMO**

**(en pé)** *No Leccionario II – B páxina 14*

**EVANXEO**

## PROCLAMACIÓN DO SANTO EVANXEO SEGUNDO XOÁN

**(sentad@s)** gardamos uns instantes de silencio para acoller a palabra no corazón

## **PROFESIÓN DA FE**

**Celebrante** Neste encontro parroquial, querendo preparar os camiños para acoller ao Xesús que ven a nós, como María damos razón da nosa fe diante dos demais dicindo

*Creo, Señor, pero aumenta a miña fe*

**Monitor/a**

Credes en Deus Pai, que acompaña os nosos camiños na procura dunha nova humanidade na que todos nos sintamos irmáns?

*Creo, Señor, pero aumenta a miña fe*

Credes en Xesús, que se achega a todos nós e que convida a ser coherentes no evanxeo facéndoo vida máis alá de todas as rutinas?

*Creo, Señor, pero aumenta a miña fe*

Credes no Espírito de Deus que nos alenta a compartir descubríndoo en toda persoa, e máis nas que están rodeadas de miseria?

*Creo, Señor, pero aumenta a miña fe*

Credes na igrexa, comunidade, terra e nai na que o Señor fai saír os gromos da paz e fai brotar as sementeiras do Nadal?

*Creo, Señor, pero aumenta a miña fe*

## **(en pé) ORACIÓN UNIVERSAL**

**Celebrante** *Imos agora rezar a Deus, pero non vai ser so pedir, hoxe a nosa oración é tamén o noso compromiso por quereremos ser testemuñas de boa nova. Oremos dicindo*

### **VISITA AO TEU POBO, SEÑOR**

**Monitor/a**

1. Rezamos para que colaboremos con Deus na súa intención de facer unha igrexa máis dada ó humilde e ós humildes. Recemos

2. Rezamos para que colaboremos con Deus no seu desexo de que os pobres sexan tidos en conta, amados e servidos, e nós sexamos as mans de Deus para eles. Recemos

3. Rezamos para que colaboremos con Deus en apreciar, respectar e axudar a tódalas nais e pais novos que hai no medio de nós. Recemos

4. Rezamos para que colaboremos co Deus que se deixa nacer no medio das persoas necesitadas, á beira dos empobrecidos, para acompañar a quen está en soidade. Recemos

5. Rezamos polas persoas que por unhas ou outras razóns non van ter un bo Nadal. Recemos

**Celebrante** *Así queremos camiñar e facer camiños para a vida, que nunca nos falte a luz e o bo facer dos demais. Pedímolo por Xesucristo noso Señor. Amén.*

### 3.- OS SIGNOS DA COMUÑÓN CON DEUS E COA COMUNIDADE

#### NOSO PAI

**Celebrante** Deus camiña cerca. Cerca de quen é capaz de amosar a tenrura de ser nai, cerca de quen é coherente para facer aquilo que di, cerca de quen está convencido cando reza dicindo “fágase a túa vontade”.

Deus está en ti, en min, en nós, e xuntos queremos dicirle

NOSO PAI QUE ...

#### SIGNO DA PAZ

**Celebrante** As nosas mans abertas falan de acollida, falan de ofrecer o mellor aos demais, falan de esforzo pola paz e pola dignidade de todos os pobos, falan da necesidade de ser coherentes. Que o Deus da paz nos alente a ser luz de Nadal.

**CANTO**      🎵 *Que medre a paz na nosa terra*

#### COMUÑÓN

**Celebrante** A mesa do altar é a mesa do compartir todo o que Deus nos agasalla, é o sabernos espertos e atentos para facerlle un sitio ao que nos nace no Nadal. Ditosos nós convidados a compartir este pan do Señor.

**CANTO**      🎵 *nº 58      Acharte presente na vida*

### 4.- AVISOS E DESPEDIDA

#### ORACIÓN FINAL

##### *Celebrante*

Señor, pedimos que volvas para nós os teus ollos compasivos.

Fai que o noso compartir de cada día nos achegue a celebrar as próximas festas do Nadal coa mesma ilusión e esperanza que mostrou Santa María. Pedímoscho a Ti que vives e reinas por sempre eternamente. Amén.

*Esperar NADAL é saber que Deus confía en nós e quere pórse nas nosas mans.*

*Esperar NADAL é rezar hoxe con palabras que nos sigan dando azos para poñer ilusións renovadas nas nosas vidas tantas veces cheas de rutina.*

*Esperar NADAL é non virar as costas ás persoas cansas no camiño. É esforzarse por dar unha man e deixarse dar unha man nun mundo en igualdade.*

Que o Señor nos bendiga, †  
nos garde de todo mal  
e nos leve á vida eterna. Amén

*Avísase das misas (ver folla do mes)*

**QUE TODOS TEÑAMOS UNHA MOI BOA NOITE BOA  
se non nos vemos antes**